



БОСНА И ХЕРЦЕГОВИНА
Брчко дистрикт Босне и Херцеговине
ФОНД ЗДРАВСТВЕНОГ ОСИГУРАЊА
УПРАВНИ ОДБОР

BOSNA I HERCEGOVINA
Brčko distrikt Bosne i Hercegovine
FOND ZDRAVSTVENOG OSIGURANJA
UPRAVNI ODBOR/VIJEĆE

Вука С. Караџића 4, 76100 Брчко дистрикт БиХ, тел. +387 49 211 102; 216 344, факс 216 115, ИБ 460022830003:
Vuka S. Karadžića 4, 76100 Brčko distrikt BiH, tel. +387 49 211 102; 216 344, faks 216 115, IB 460022830003:
web: www.fzobrcko.ba, E-mail: fzobrcko1@teol.net

Broj: 015-180/7-UO-105/18
Brčko, 31.10.2018. godine

Upravni odbor Fonda zdravstvenog osiguranja Brčko distrikta BiH, na osnovu člana 13 stav (1) tačke b) i h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, broj: 17/07, 1/08, 3/15, 7/15, 41/16 i 42/17) i akta gastroenterološkog konzilijuma JZU „Zdravstveni centar Brčko“ Brčko distrikt BiH, broj: 232/2018 od 22.10.2018. godine, na 21. redovnoj sjednici, održanoj dana 31.10.2018. godine, donosi

ODLUKU

O UTVRĐIVANJU KRITERIJUMA I OBIMU FINANSIRANJA TROŠKOVA TERAPIJE LIJEKOVIMA „OMBITASVIR, PARITAPREVIR, RITONAVIR“, „DASABUVIR“ I „GLEKAPREVIR, PIBRENTASVIR“

Član 1

Ovom Odlukom utvrđuju se uslovi i kriterijumi za odobravanje liječenja osiguranih lica Fonda zdravstvenog osiguranja Brčko distrikta BiH (u daljem tekstu: Fond), oboljelih od hroničnog hepatitisa C genotipa 1 i 4, primjenom terapije lijekovima „Ombitasvir, paritaprevir, ritonavir, ATC-klasifikacija: J05AX67“ (u daljem tekstu: Ombitasvir, paritaprevir, ritonavir) i „Dasabuvir, ATC-klasifikacija: J05AX16“ (u daljem tekstu: Dasabuvir) i oboljelih od hroničnog hepatitisa C genotipa 1, 2, 3, 4, 5 i 6, primjenom terapije lijekom „Glekaprevir, pibrentasvir, ATC-klasifikacija: J05AX“ (u daljem tekstu: Glekaprevir, pibrentasvir) i obim finansiranja troškova terapije lijekovima „Ombitasvir, paritaprevir, ritonavir“, „Dasabuvir“ i „Glekaprevir, pibrentasvir“ sa Dodatne liste lijekova.

Član 2

U skladu sa opšte prihvaćenim principima od strane FDA i EASL, Fond finansira troškove liječenja osiguranih lica Fonda oboljelih od hroničnog hepatitisa C genotipa 1 i 4, primjenom terapije lijekovima „Ombitasvir, paritaprevir, ritonavir“ i „Dasabuvir“ i oboljelih od hroničnog hepatitisa C genotipa 1, 2, 3, 4, 5 i 6, primjenom terapije lijekom „Glekaprevir, pibrentasvir“, na osnovu preporuke gastroenterološkog konzilijuma JZU „Zdravstveni centar Brčko“ Brčko distrikta BiH ili konzilijuma gastroenterologa referentnih ugovornih kliničkih centara u obimu od 3 (tri) osigurana lica Fonda, na godišnjem nivou.

Član 3

(1) Liječenje osiguranih lica Fonda oboljelih od hroničnog hepatitisa C genotipa 1 i genotipa 4, primjenom terapije lijekovima „Ombitasvir, paritaprevir, ritonavir” i „Dasabuvir”, odobrava se osiguranim licima Fonda koja boluju od hroničnog hepatitisa C genotipa 1 i genotipa 4, što se dokazuje nalazom i mišljenjem gastroenterološkog konzilijuma.

(2) Liječenje osiguranih lica Fonda oboljelih od hroničnog hepatitisa C genotipa 1, 2, 3, 4, 5 i 6, primjenom terapije lijekom „Glekaprevir, pibrentasvir“, odobrava se u zavisnosti od vrste genotipa hroničnog hepatitisa C od kojih boluju osigurana lica Fonda, što se dokazuje nalazom i mišljenjem gastroenterološkog konzilijuma.

Član 4

Osiguranim licima Fonda iz člana 1 ove odluke Fond odobrava liječenje u dozi i vremenu propisanom u važećem rezimeu karakteristika lijeka odobrenom od Agencije za lijekove BiH i po preporuci gastroenterološkog konzilijuma.

Član 5

(1) Gastroenterološki konzilijum JZU „Zdravstveni centar Brčko“ Brčko distrikt BiH će Fondu dostaviti listu pacijenata kod kojih je moguće primijeniti terapiju iz člana 4 ove odluke.

(2) Obaveza gastroenterološkog konzilijuma JZU „Zdravstveni centar Brčko“ Brčko distrikt BiH je da, nakon provedene terapije, podnese Fondu izvještaj o izvršenom liječenju osiguranih lica Fonda u svemu prema odredbama ove odluke.

Član 6

(1) Ova odluka stupa na snagu danom donošenja, a primjenjuje se od 01.03.2019. godine.

(2) Ova odluka će se objaviti na službenoj internet stranici Fonda.

(3) Početkom primjene ove odluke, van snage se stavlja Odluka o utvrđivanju kriterijuma i obimu finansiranja troškova terapije lijekovima „Viekirax“-„Exviera“, broj: 015-180/7-UO-4/17 od 31.01.2017. godine

DOSTAVITI:

1. Direktor
2. Šefovima Službi (3x)
3. Internom kontroloru
4. Šefu Odjeljenja za zdravstvo i ostale usluge
5. Prvostepenoj komisiji za upućivanje na liječenje van BDBiH
6. Gastroenterološkom konzilijumu JZU
7. Web
8. Evidenciji
9. Arhivi

PREDSJEDNIK UPRAVNOG ODBORA

dr. med. sci. Zoran Tošić, s.r.